



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tripartita Demonstratio, Worin Augenscheinlich wird
vorgestellt/ Daß Die Stadt Hildesheim von Jhrem Anfang
biß hiehin den Herren Bischöffen Als jhren
Landts-Fürsten/ Gleich anderen Municipal-Städten ...**

Hildesheim, A[nn]o 1691.

Num. 39. Privilegium Imperatoris Sigismundi de non evocando Civitati
Hildesiensi datum.

urn:nbn:de:hbz:466:1-38409

hen / daß allen Ehr- und Fürsten des heiligen Reichs ihre primæ instantiæ, worunter die appellationes immediatorum subditorum gehören / ungeschmäbert und unverrückt gelassen werden / ist auch bey Menschen- Gedencen dergleichen evocatio nicht mehr in usu befunden worden / quibus præmissis bene consideratis & ponderatis, bleibet es zu recht vest und beständig hierbey / daß die obbemeldte zwey Kayserl. Privilegia *sub lit. A.C. (n. 39. & 41.)* Mera & pura Privilegia de non evocando ad forenia & extranea, sæcularia solum Judicia non vero intranea & ordinaria, proprii Principis ac Episcopi uti Domini Territorii appellationis Judicia seynd / wovon inferior MUNICIPALIS Magistratus seu Senatus Civicus Hildesienfis gleich gemeiner Burgerschafft nicht eximiret / sonderen der Landts- Fürstlicher Ober- Bottmäßigkeit unterworffen ist: Inmassen Wir dan dahin and also berührte 2. Privilegia *sub lit. A.C. (n. 39. & 41.)* hienüt erklären / und erleutern / wie dieselbe schon vorhin von aller- höchstbemeldten Kaysern Sigismund / Carlen dem Fünfften / und Maximilian dem Zwayten Kayserl. Majest. *sub adj. lit. B.D.E. (n. 40. 42. & 43.)* & certis clausulis seynd declariret und confirmiret worden; Urkundtlich Unser ordinarii, Decani, Senioris und anderer Doctoren der Juristen Facultät auff der Universität Würzburg hien- unter getrückten Insiegels / jedoch anderer Rechts- Erfahrenen Meynung ob- begeben.

(L.S.)

Num. 39.

Privilegium Imperatoris Sigismundi de non evocando Civitati Hildesienfi datum.

In Nomine Sanctæ & Individuæ Trinitatis, feliciter, Amen

Sigismundus Divinâ favente clementiâ Romanorum Imperator, semper Augustus ac Hungariæ, Bohemiæ, Dalmatiæ, Croatiae &c. Rex. Notum facimus tenore præsentium universis, quod pro parte honorabilium, Pro- Consulium, Consulium, incolarum, & habitatorum utriusq; sexus Universitatis Hildeshemensis, Nostrorum & Imperii sacri fidelium dilectorum. Majestati Nostræ fuit, cum humili precum instantiâ supplicatum, quatenus unum Privilegium ipsis super quibusdam libertatibus, per nos dum adhuc Romanorum Regio nomine fungeremur, datum & concessum, tanquam Romanorum Imperator, de innatâ nobis benignitatis clementiâ approbare, confirmare, ratificare, & innovare, gratiosius dignaremur, cujus quidem Privilegii Tenor de verbo ad verbum sequitur, & talis est.

Sigismundus

Sigismundus DEI Gratiâ Romanorum Rex semper Augustus, ac Hungariæ, Dalmatiæ, Croatiæ &c. Rex, ad perpetuam rei memoriam, notum facimus tenore præsentium universis, licet circa universorum quietem promovendam quodam favore regio nostra continuo versetur intentio, ad illorum tamen libertates ampliandas, ac novas gratias concedendas, nostri culminis aspirant interna, quos in Nostri & Imperii sacri fidelitate & constantiâ novimus singulari affectione perstitisse, ut Regiâ benignitate præventi ipsorum fidelitas etiam in reipublicæ curâ pervigili, se fructuosam atque sollicitam poterit exhibere, sanè pro parte honorabilium Pro-Consulum, Consulum, Incolarum, & Habitatorum utriusque sexus & Universitatis Civitatis Hildesimensis, *Conjunctim & Divisim* Nostrorum, & Imperii sacri fidelium Dilectorum Nostræ Celitudini oblata petitio continebat, quatenus ipsis, ut per quoscumque Judices sæculares, cujuscunque status, gradus vel conditionis pro tempore existerent, seu per quasvis litteras etiam Nostras aut Imperiales, quorumcunque tenorum existerent, etiamsi in eis de præsentibus plena & expressa mentio fieret, pro quibuscunque merè civilibus, & etiam criminalibus causis extra dictam Civitatem Hildesimensem, ad quæcunque forensia & sæcularia Judicia, etiam publica & privata, ac in specie vel in genere, salvo, ad Nostræ Majestatis Curias & Judicium evocari vel trahi non possint, de speciali Nostræ Majestatis Clementiâ, pro nobis, Successoribusque Nostris indulgere, & Autoritate Romanâ Regiâ concedere gratiosius dignemur.

Nos igitur, dictorum Pro-Consulum, Consulum, Incolarum, Habitatorum, & universitatis sinceræ fidei affectionem, approbatæ constantiæ integritatem, ac sedulæ devotionis puritatem, quibus iidem Pro-Consules, Consules, Habitatores, Incolæ ac Universitas, in nostræ Majestatis oculis, gratiosis sibi meruerunt suffragari favoribus, debitâ consideratione revolventes, ipsorum supplicationibus favorabiliter inclinati, eisdem Pro-Consulibus, Consulibus, Habitatoribus, Incolis utriusque sexus, & Universitati Hildesimensi *conjunctim & divisim* animo deliberato, non per errorem, aut improvidè, sed sano & maturo Principum, Comitum, Baronum, Procerum, & Nobilium nostrorum & Imperii sacri fidelium Dilectorum accedente consilio, & ex certâ nostrâ scientiâ, & Autoritate prædictâ, ut per quoscumque Judices sæculares cujuscunque status, gradus vel conditionis existant, etiamsi in eis de præsentibus plena & expressa mentio fieret, ut in quibuscunque causis merè civilibus & etiam Criminalibus extra dictam Civitatem Hildesimensem, ad quæcunque seu qualiæcunque forensia & sæcularia Judicia, publica vel privata, in specie vel in genere, salvo ad nostræ Majestatis audientiam & Judicium trahi seu evocari nequeant, quinimò ibidem in dicta Civitate Actores, & Actrices, si & in quantum eis *conjunctim vel divisim* justitia manifestè denegata non fuit, juxta dictæ Civitatis consuetudines & MUNICIPALIA JURA vel Imperialia statuta definitioni Judicis vel Judicium sibi competentis seu competentium, non suspecti aut suspectorum stare debeant, pro nobis Successoribusque nostris gratiosius indulgemus, & autoritate prædictâ, ac de plenitudine Romanæ Regiæ potestatis concedimus per præfentes, volumus tamen, & eâdem autoritate decernimus, quod unicuique coram eodem seu eisdem Judice vel Judicibus in eâdem Civitate, justitia, prout æquitatis & ordo dictaverit rationis, juxta consuetudines

& jura vel statuta prædicta ministretur, obstaculis remotis quibuscunque volumus etiam & Regio edicto statuimus, quod omnes & singuli processus, quos contra tenorem præsentium per quoscunque Judices sæculares, in judicio, vel extra judicium, publicè vel occultè directè vel indirectè fieri contigerit, sint irriti & inanes, ac nullius efficaciam roboris vel momenti, nostris tamen & imperii sacri juribus semper salvis, præsentibus tamen in suis roboribus perpetuo duraturis, Mandamus universis & singulis Principibus, Ecclesiasticis & Sæcularibus, Comitibus, Baronibus, Nobilibus, Militibus & Clientibus, ac quorumcunque Civitatum, Oppidorum, Communitatum Rectoribus cæterisque Nostris & Imperii subditis & fidelibus, quatenus Pro-Consules, Consules, Incolas, ac universitatem Hildesimensem, prædictos, contra nostras, concessionem, gratiam & indultum supradictas, coram quibuscunque Judiciis publicis vel privatis, extra dictam Civitatem, ad causam seu litem trahere non præsumant, sub pœnâ indignationis nostræ gravissimæ & quinquaginta Marcharum auri purissimi, quas ab eo, qui contra fecerit, exigi volumus, & earum medietatem Imperiali Erario sive Fisco, residuam verò partem injuriam passorum usibus applicari legibus Imperialibus ac statutis & consuetudinibus MUNICIPALIBUS aliisque ordinationibus seu contrariis non obstantibus quibuscunque præsentium sub nostræ Majestatis Sigillo testimonio litterarum, datum in Schwabichswerden, Anno Domini 1418. 26. Septembris, Regnorum Nostrorum Anno Hungariæ 32. Romanorum verò 9. ad Procuracionem Magistri Joannis de Arul. per. Dn. Episcop. Pathavienf. Cancell. Paul de Toft.

NOs verò hujusmodi supplicationibus eorum benigniter, inclinati, animo deliberato, sacroque Principum, Comitum, Baronum, Procerum Nostrorum & Imperii sacri fidelium accedente Consilio supradictum Privilegium ipsis Civibus & Civitati Hildesimensi datum & concessum, approbavimus, ratificavimus, & confirmavimus, approbamus, ratificamus, innovamus, & præsentium tenore, Autoritate Imperiali, de certa nostra scientia, & Imperialis potestatis plenitudine gratiosius confirmamus decernentes eadem Autoritate, & expresse volentes, ipsum Privilegium, in omnibus suis sententiis, punctis & clausulis, prout de verbo ad verbum expressatur superius perpetuis temporibus obtinere inviolabilis roboris firmitatem: Mandamus igitur, universis & singulis Principibus Ecclesiasticis & Sæcularibus, Comitibus, Baronibus, Nobilibus, Militibus, Clientibus, Officialibus quibuscunque Civitatum, Oppidorum, Villarum & locorum Communitatibus & Rectoribus eorundem, cæterisque Nostris & Imperii sacri subditis & fidelibus firmiter & districtè, ne præfatam universitatem Hildeshemensem contra Nostram gratiam in supradicto Privilegio expressam impedire, aliquàlter præsumant, prout nostram & Imperii sacri indignationem gravissimam, & pœnam in eodem Privilegio expressam, voluerint arctius evitare. Præsentium sub Nostræ Imperialis Majestatis sigillo testimonio litterarum. Datum Pragæ Anno Domini 1436. die 1. Mensis Decembris, Regnorum Nostrorum 27. Bohemiæ 17. Imperii verò 4to.

Ad Mandatum Dni. Imperatoris.

Petrus Kalde, Præpositus.

Norhus